

四庫全書

史部

欽定四庫全書

欽定續通志卷一百九十四

宗室傳

金二

始祖子

德帝子

博囉

安帝諸子

錫赫特巴達

錫里布博諾

錫里庫

獻祖諸子

昭祖諸子

烏肯徹

伯赫崇成國保

景祖諸子

和卓普嘉努

噶順

滿丕滿都市們都

鄂蘭哈瑪爾晏宗寧

宗尹宗道

們圖琿阿里布方

始祖二子明懿皇后生德帝名烏魯季名幹魯皆福壽

之語也以六十後生子異之故皆以嘉名命之

德帝二子思皇后生安帝季曰博囉

博囉與獻祖俱徙海古勒水置屋宇焉博囉之孫和碩
和碩之子卓與景祖長子韓國公和卓同名穆宗四
年代阿蘇阿蘇走遼遼使使來止伐阿蘇軍穆宗陽受
遼帝約束先歸國留和卓守阿蘇城凡三年卒攻破之
天會十五年贈特進

安帝五子節皇后生獻祖綏赫次信德次錫赫特次錫

哩布次錫里庫

錫赫特之孫巴達錫哩布之子博諾皆佐世祖有功博諾勇毅善射當時有與同名者嘗有貳志目之曰惡博諾天會十五年巴達贈儀同三司博諾贈開府儀同三司在世祖時罕都伊克及和卓巴達博諾五人者不離左右親若手足元勲之最著者也明昌五年皆配饗世祖廟庭

錫里庫者昭祖將定法制諸父國人不悅已執昭祖將

殺之錫里庫亟往彎弓注矢射於衆中衆乃散去昭祖
得免昭祖往烏蘇展部大有所獲頒之於諸父昆弟而
不及錫里庫錫里庫曰前日免汝於死者吾之力往治
烏蘇展部者吾之謀也分不及我何耶昭祖於是早起
自齋間金列鞞往餽之時錫里庫猶未起擁寢衣而問
曰爾爲誰昭祖曰舒魯先擇此寶而後頒及他人敢私
布之錫里庫既揚言初不自安至是乃大喜列鞞者腰
佩也

獻祖七子恭靖皇后生昭祖次巴圖次阿布哈次圖庫次都古魯訥次薩里罕次薩克蘇

昭祖六子威順皇后生景祖次烏肯徹次室達呼默生伯赫伯勒赫斡里延次室高麗人生和碩台

烏肯徹昭祖次子初昭祖無子禱于巫巫告以男女之兆久之曰男子之兆復見然性不馴良殘忍無親親之恩不可受也昭祖方念後嗣未立乃曰雖不良亦願受之巫者曰當名之曰烏肯徹既生以巫所命名名之景

祖初立烏肯徹酗酒屢悖威順皇后后曰巫言驗矣悖
亂之人終不可留遂與景祖謀而殺之部人怒欲殺景
祖后乃匿景祖出謂衆曰為子而悖其母率是而行將
焉用之吾割愛而殺之烏古鼎不知也汝輩寧殺我乎
衆乃罷去子希卜蘇自有傳

伯赫及同母弟二人自幼時每爭攘飲食昭祖見而惡
之曰吾生子如此後必為子孫之患世祖初立伯赫果
有異志誘和諾克薩克達烏春烏木罕離間部屬使貳

於世祖世祖加意事之使為貝勒而不令典兵伯赫既陰與和諾克烏春謀計國人皆知之而童謠有欲生則附於伯赫欲死則附於和哩布頗拉淑之語世祖亦以策探得兄弟部人向背烏春和諾克相次以兵來攻世祖外禦強兵而內畏伯赫之變將行聞伯赫食於其愛妾之父家肉張咽而死且喜且悲乃迎尸而哭之

崇成本名布呼泰州司屬司人昭祖玄孫也大定十八年收充奉職改東宮入殿實達爾轉護衛二十五年章

宗為原王充本府祇候郎君明年章宗為皇太孫復為
護衛章宗即位授河間府判官以憂去職起復為宿直
將軍累遷武衛軍都指揮使泰和三年卒崇成謹飭有
守宿衛二十餘年未嘗有過故久侍密近云

國保昭祖族人從昭祖耀武于青嶺白山還至古哩甸
昭祖得疾寢于村舍洞無門扉乃以車輪當門為蔽國
保卧輪下為扞禦已而賊至刃交於輪輻間國保洞腹
見膏恐昭祖知之乃然薪取膏以為炙中夜啓行

景祖九子昭肅皇后生韓國公和卓次世祖次沂國公
噶順次肅宗次穆宗次室綽斯和生代國公赫色本次
室溫特赫氏生虞國公滿丕隋國公鄂蘭哈瑪爾鄭國
公們圖琿

和卓世祖兄

按原史別為薩哈立傳而以和卓附于傳
首今考和卓為景祖長子仍節入宗室而

薩哈則仍
其舊云

景祖方計定諸部愛世祖膽勇材畧及諸子

長國俗當異宮居而命和卓與世祖同邸和卓專治家
務世祖主外事世祖襲節度使越噶順而傳肅宗穆宗

皆景祖志也子薩哈幹魯自有傳

噶順天會十四年大封宗室噶順追封王爵正隆例降
封沂國公子普嘉努又名昱嘗從太祖伐埒克烏塔太
祖使普嘉努招卓多卓多即降康宗八年係遼籍女真
赫舍哩部阻兵招納亡命邊民多亡歸之普嘉努以偏
師夜行晝止抵實埒水襲擊破之盡俘其孥而還天輔
五年普嘉努為溫貝勒遂為都統使襲遼帝以雨潦不
果行既而烏赫哩貝勒杲都統內外諸軍以取中京普

嘉努等皆為之副遼帝西走都統杲使普嘉努以兵一千助達蘭擊遼都統瑪格與達蘭不相及普嘉努與色哩舍音降其西北居延之衆而降民稍復逃散布希部亦叛遂率兵襲之至德里川遇敵八千遂力戰兵敗察喇以兵來會追及敵兵于黃水獲畜產甚衆薩里亦以兵會太祖自草灤追遼帝普嘉努宗望為先鋒戒之曰彼若深溝高壘未可與戰即偵伺巡邏勿令遯去以俟大軍若其無備便可擊也太祖次古爾珍川烏舍馬和

尚至小魚灤夜潛入遼主營執錫喇努以還遂知遼帝
所在普嘉努等晝夜魚行追及于石輦驛我兵至者才
千人遼兵圍之伊都指遼帝麾蓋騎兵馳之遼帝遯去
兵遂潰所殺甚衆宗翰為西北西南兩路都統普嘉努
幹魯為之副烏瑋部叛普嘉努討平之天會間為司空
封王天眷二年薨天德初配享太祖廟庭正隆二年例
封豫國公

滿丕天會十五年封王正隆例封虞國公長子滿都布

孝友恭謹多謀而善戰年十五隸軍中從攻鄂勒歡及
係遼女真和碩台等為變滿都布自為質遂從和碩台
歸中途以計殺守者而還攻寧江州取黃龍府破高永
昌取春泰州皆有功遂為穆昆討嶺東未服州郡過土
河東山敗賊三千人奚契丹寇土河西與明安蒙克瑪
奇擊之摧鋒力戰破其衆九萬人奚衆萬餘保阿林甸
復擊敗之降其旁近居人復以五百騎破遼兵一千生
擒其將以歸與棟摩攻興中府中流矢卒天眷中贈金

紫光祿大夫謚英毅弟們都

們都襲父滿丕明安卒子素赫襲素赫卒子薩哈連襲
薩哈連卒子惟銘襲惟銘本名默呼字子鑄駢脅多力
喜周給人至寧初守楊文闕有功兼都統護漕運貞祐
二年護親軍家屬遷汴遙授同知祁州軍州事充提控
三年破紅襖賊於大沫堦惟銘入自北門諸軍繼進生
獲劉二祖功最遷泰安軍節度副使改遂王府尉都水
少監東平府治中坐誤以刃傷同知府事赫舍哩約赫

德當削降仍從軍自効討花帽賊于曹濟間行首蒙古
綱奏其功復前職遷邳州經畧使卒子從傑襲明安累
功遙授鎮南軍節度副使

鄂蘭哈瑪爾健捷善戰拉必瑪察據穆稜水烏春烏木
罕以古哩甸兵助之世祖擒拉必穆稜水人尚反側不
自安鄂蘭哈瑪爾往察之與薩布合兵攻烏木罕烏春
已死烏木罕棄城遁去後從薩哈討平埒克太祖擒蕭
哈里使鄂蘭哈瑪爾獻馘于遼太祖謀伐遼鄂蘭哈瑪

爾實贊成之及舉兵屢戰有功收國元年太祖即位鄂
蘭哈瑪爾與宗翰以耕具九為獻祝曰使陛下毋忘稼
穡之艱難太祖敬而受之頃之為古倫英實貝勒為人
聰敏辨給凡一聞見終身不忘始未有文字祖宗族屬
時事並能默記與色克同修本朝譜牒見人舊未嘗識
聞其父祖名即能道其部族世次所出天輔三年寢疾
宗翰日往問之盡得祖宗舊俗法度疾革太祖幸其家
問以國事對曰馬者甲兵之用今四方未平而國俗多

以良馬殉葬可禁止之乃獻平生所乘戰馬並以馬獻
太宗薨太祖哭之慟及葬復親臨熙宗時追封隋國王
天德中改贈開府儀同三司隋國公大定間配饗太祖
廟庭謚剛憲子賽音鄂倫賽音子宗尹鄂倫子宗寧宗
道

晏本名鄂倫明敏多謀畧通契丹字天會初烏達噶叛
太宗幸北京以晏有籌策召問稱旨命督扈從諸軍往
討之至混同江諭將士曰今叛衆依山谷地勢險阻吾

騎卒不得成列未易破也乃令諸軍據高山連木為柵
多張旗幟示以持久計聲言俟大軍畢集而發潛以舟
師浮江而下直擣其營遂大破之月餘一境皆定師還
授左監門衛上將軍為廣寧尹入為吏禮兩部尚書皇
統元年為北京留守改咸平尹徙東京天德初封葛王
入拜同判太宗正事進封宋王授世襲明安海陵遷都
晏留守上京累封豫王許王越王貞元初進封齊王正
隆二年例削王爵改西京留守未幾為臨潢尹遂致仕

還居會寧海陵南伐世宗為東京留守晏之子伊呼訥
自軍前率衆來歸白彥敬等在北京聞伊呼訥等逃還
使會寧同知高國勝拘晏家族世宗既即位遣使召晏
晏率宗室數人入見即拜左丞相封廣平郡王尋兼都
元帥大定二年正月世宗如山陵禮畢將獵有司已夙
備晏諫曰邊事未寧畋游非所宜也世宗嘉納之進拜
太尉復致仕還鄉里是歲薨詔有司致祭賻贈銀幣甚
厚

宗尹本名阿里罕充護衛改牌印祇候授世襲穆昆為
右衛將軍歷順天歸德彰化唐古部族橫海軍節度使
正隆南伐領神畧軍都總管先鋒渡淮取揚州及瓜洲
渡大定二年改河南路副都統時宋陷汝州殺刺史烏
克遜滿丕及漢軍二千人宗尹遣萬戶富珠哩定方完
顏阿呼喇瓜爾佳清臣烏庫哩薩哈克楚額哲將騎四
千往攻之復取汝州除大名尹副統如故頃之為河南
路統軍使遷元帥左都監除南京留守八年置山東路

統軍司宗尹為使遷樞密副使錄其父功授世襲扶餘路屯河明安并親管穆昆除太子太保樞密副使如故世宗以宗尹雖才無大過人者而性行淳厚且國之舊臣遂拜平章政事封代國公兼太子太傅時民間苦錢幣不通世宗以問宗尹對曰錢者有限之物積於上者滯於下所以不通海陵軍興為一切之賦有菜園房稅養馬錢大定初軍事未息調度不繼故因仍不改今天下無事府庫充積悉宜罷去於是養馬等錢始罷有頃

北方歲饑軍食不足廷議輸粟賑濟或謂此雖不登而
舊積有餘秋成在近不必更勞輸輓宗尹曰國家平時
積粟本以備凶歲也必待秋成則億者衆矣人有捐瘠
其如防戍何從之宗尹乞令子尼楚赫襲其明安會太
尉守道亦乞令其子神果努襲其穆昆故事承襲人不
識女真字者勒令習學世宗曰此二子吾識其一習漢
字未習女真字自今女真契丹漢字曾學其一者即許
承襲遂著于令二十四年世宗將幸上京謂宗尹等曰

臨潢烏庫哩實壘歲時不登朕欲自南道往三月過東京謁太后陵寢五月可達上京春月烏獸孳孕東作方興不必蒐田講事卿等以為何如宗尹曰南道歲熟宜如聖旨世宗至上京聞同簽大宗正事宗寧不能撫治上京宗室宗室子往往不事生業令宗尹察其事懲戒之宗尹奏曰隨仕之子父沒不還本土以此多好游蕩乃命召還宴宗室于皇武殿擊毬為樂世宗問其間人材孰可用者宗尹以奉國威準之子按春豫國公昱之

曾孫阿魯對皆以為奉御詔訪其餘以聞二十七年乞致仕世宗謂宰臣曰宰相總天下事非養老之地若不堪其職朕亦有愧焉如賢者在朝利及百姓四方瞻仰朕亦與其光美乃詔宗尹曰卿久任外官不聞有過失但恨用卿稍晚今精力似衰矣若勉留卿則四方以朕為私卿亦不自安也頃之遣使問宗尹曰朕欲留卿時相從游如何宗尹曰聖主既哀老臣不忍擅棄臣豈敢他往於是賜甲第一區凡宴集政獵皆從焉明年薨

宗寧本名阿多古性勤厚有大志起家為海陵征南都
統戰瓜洲渡功最歷祁州刺史大定二年為會寧府路
押軍萬戶擢歸德軍節度使時方旱蝗督民掩捕數日
捕絕改知臨潢府事移天德軍俄命為行軍右翼都統
為賀宋正旦使累遷兵部尚書授隆州路和屯明安羅
里茂世襲穆昆出知大名府事徙鎮利涉軍尋同簽大
睦親府事因病俾知咸平詔以其子符寶郎直為韓州
刺史以便養無幾入授同判大睦親府事拜平章政事

明昌二年薨宗寧居家約儉臨事明敏其鎮臨潢鄰國有警宗寧知民乏糧即出倉粟令以牛易之敵知得粟即遁去邊人以幹罕亂後苦無牛宗寧復令民入粟易牛既而民得牛而倉粟倍於舊其經畫如此

宗道本名八十通周易孟子善騎射大定五年充閤門祇候累除近侍局使授右衛將軍出為西南路副招討章宗即位改同知平陽府事陝西路副統軍左宣徽使伊喇仲方舉以自代除西北路招討使故事諸部駕馬

八百餘匹宗道辭不受諸部悅服邊鄙咸治提刑司察
廉召為殿前右副都點檢尋除陝西路統軍使以鎮靜
得軍民心特遷三階兼知京兆府事時夏旱俾長安令
取太白湫水步迎於遠郊及城而雨是歲大稔承安二
年為賀宋正旦使尋授河南路統軍使泗州民張偉獲
宋人王萬言彼界事情宗道疑其寃廉問得實萬楚州
賈人偉負萬貨五千餘貫三年不償萬理索為偉所誣
乃坐偉而歸萬改知河中府有惠政民立像於層觀以

時祭之移知臨洮以病解泰和四年卒贈龍虎衛上將軍

們圖琿屢從征伐天會二年為受錫貝勒參議國政明年薨天會十五年追封王正隆例封鄭國公明昌五年謚定濟

阿里布系出景祖屢從征伐滅遼舉宋皆有功天會九年睿宗經畧陝西阿里布為左翼都統與右翼都統宗弼撫定鞏洮河西寧蘭廓等州軍來賓定遠和政甘谷

寧洮隴安

按金史地理志鳳翔路秦州下有甘谷城隴州下有隴安寨此作甘谷安隴誤謹據改

等城寨及鎮堡蕃漢營部四十餘處漢官軍民蕃部酋長甚衆於是涇原熙河兩路皆平詔以兄明安薩勒扎親管穆昆之餘戶以阿里布為世襲穆昆十二年為元帥右都監十五年遷左監軍天眷三年從宗弼復河南遷左副元帥皇統三年封譚國公六年為行臺左丞相元帥如故是歲薨大定間大褒功臣圖像衍慶宮定衍慶亞次功臣代國公罕都金源郡王實圖美徐國公瑋

楚鄭國公們圖琿濮國公實古納濟國公芬徹韓國公
錫默阿里元帥左監軍巴爾斯魯國公富察實嘉努銀
青光祿大夫蒙克隨國公和尼特進托克索齊國公博
勒和開府儀同三司烏雅富埒琿儀同三司阿里布鎮
國上將軍烏凌阿托雲太師領三省事勛太傅大興大
興尹持嘉琿金吾衛上將軍耶律瑪武驃騎衛上將軍
韓常并阿里布咸著勲焉子烏達方烏達見逆臣傳按宗
室表阿里布二子烏達及方無名言者烏達載在逆臣
傳亦別無言之名本傳云子言別有傳所載似誤今改

正

方累官京兆少尹遷陝西路統軍都監專事財賄不恤
軍旅大定三年遷元帥右都監轉元帥左監軍改順天
軍節度使諭曰卿本無功歷顯仕不能接僚友往往交
惡在京兆貪鄙彰聞至無謂也卿必悛改慎勿復爾除
西南路招討使以兵部郎中高通為招討都監佐之詔
通曰卿到天德毋以其官長曲從之簡閱沿邊士卒毋
用孱弱之人毋以僕隸代役女真舊風酒食會聚以騎

射為樂今則奕碁雙陸宜悉禁止令習騎射從其居處
之便勿以召集擾之久之方坐強買部人馬二匹削一
階解職降耀州刺史通亦坐贓除名方後遷橫海軍節
度使入為同簽大宗正事簽書樞密院事詔襲父穆昆
云



欽定續通志卷一百九十四

欽定四庫全書

史部

欽定續通志卷

二百九十五至
二百

通政司副使臣施朝幹覆勘

總校官原任侍講臣王燕緒

欽定四庫全書

欽定續通志卷一百九十五

宗室傳

金三

世祖諸子

威泰

果宗義

烏色宗永

烏哲璋

棟摩宗叔

昂鄭嘉哀
慶善努

世祖十一子翼簡皇后生康宗次太祖次魏王威泰次

太宗次遼王舍音次室圖克坦氏生衛王烏色次魯王
烏哲次室布薩氏生漢王阿庫納次室珠格氏生魯王
棟摩次室珠格氏生沂王扎拉次室烏庫哩氏生鄂王
昂

威泰年二十餘薩哈伐埒克為裨將時諸將議攻取未
定太祖將至軍威泰迎之謂太祖曰埒克城且下勿惑
他議太祖從之至軍中衆議乃決威泰急起治攻具其
夜進兵攻城遲明破之因盡平二額訥斯琿路二恩楚

路寇盜康宗二年蘇伯水諸部不聽命使威泰等往治
之行次呼爾哈川薩哈村召諸部惟沃赫不至達薩塔
薩克蘇既至復遯去烏塔遇於瑪奇嶺遂執二人以降
於是使威泰伐沃赫沃赫完聚固守攻而拔之進師博
齊赫攻拔歡塔城取畔者以歸太祖自寧江州還威泰
已寢疾太祖過家門不入竟至威泰所問疾未幾薨威
泰剛毅果斷服用整肅臨戰決策有世祖風太祖平遼
歎曰恨威泰之不及見也天會十五年追封儀同三司

魏王謚定肅

果本名舍音收國元年為溫貝勒天輔元年以兵一萬
攻秦州下金山縣降孟古皮室四部及渤海人遂克泰
州城中積粟轉致烏哩頁賑先降諸部因徙之內地五
年為烏赫哩貝勒都統內外諸軍取中京普嘉努宗翰
宗幹宗磐副之宗峻領罕扎明安耶律伊都為鄉導遼
人守中京者聞知師期焚芻糧欲徙居民逃去奚王錫
默欲視我兵少則迎戰若不敵則退保山西果知遼人

無鬪志乃委輜重以輕兵擊之六年正月克高恩回紇
三城進至中京遼兵潰遂克之乃分兵屯守要害駐兵
中京使使奏捷獻俘罕都游兵出中京南遇騎兵三十
餘紿曰乞明旦來降於此果信之使溫特赫額埒春納
哈塔通恩富察布壘珠嘉拜塔蘭往迎之奚王錫默兵
圍額埒春等遂據坂去馬皆殊死戰敗錫默兵追殺至
暮而還是役納哈塔通恩功為多宗翰降北安州移書
於果請進兵果乃約宗翰會奚王嶺期羊城灤會軍時

遼主在草濼宗翰與宗幹率精兵六千襲之遼主西走
其都統瑪格趨道蘭宗翰遣達蘭以兵一千往擊之達
蘭請益兵於杲而獲遼樞密使德勤岱父子西京已降
復叛杲使招之不從遂攻之留守蕭察喇踰城降四月
復取西京杲率大軍趨白水濼分遣諸將招撫未降州
郡及諸部族於是遼秦晉國王耶律聶只自立於燕京
山西諸城雖降而人心未固杲遣宗望奏事仍請太祖
臨軍耶律坦招西南招討司及所屬諸部西至夏境皆

降耶律佛德亦降於坦金肅西平二郡漢軍四千叛去
坦與愛紳鄂約托卜嘉簡料新降丁壯迨夜襲之詰旦
戰於河上大敗其衆皆委仗就擒耶律鼎呼移書於杲
請和杲復書責以不先稟命上國輒稱大號若能自歸
當以燕京留守處之六月太祖發京師杲使馬和尚奉
迎於塔魯河斡魯羅索敗夏將李良輔杲使完顏希尹
等奏捷且請徙西南招討司諸部於內地希尹等見太
祖於太灤西南太祖嘉賞之至駕鵞灤杲上謁太祖追

遼主至古爾珍川南伐燕京次奉聖州詔曰自今諸訴
訟書付都統果決遣若有大疑即令聞奏太祖定燕京
還次鴛鴦灤以宗翰為都統果從太祖還京師太宗即
位果為安班貝勒與宗幹俱治國政天會三年伐宋果
領都元帥居京師八年薨皇統三年追封遼越國王天
德二年配享太祖廟庭正隆例封遼王大定十五年謚
曰智烈子博濟

宗義本名博濟舍音第九子天德間為平章政事海陵

已殺太宗子孫忌舍音諸子盛強欲盡除之時左副元帥薩里罕在汴京與托卜嘉有隙托卜嘉女為海陵妃海陵陰使托卜嘉圖薩里罕於是都元帥府令史約索迎合風指詐為薩里罕與其子宗安家書宗安誤遺宮外約索因拾得之以上變因是誣殺宗義穆里延并殺宗安及太祖妃蕭氏盡殺舍音子孫百餘人穆里延子孫二十餘人穆里延景祖孫們圖琿次子舍音有幼子阿古爾其妻亦托卜嘉女遂得赦免後封為王授世襲

千戶大定初追復宗義官爵贈特進弟富尼瑪博勒準
阿魯威赫並贈龍虎衛上將軍

烏色穆宗初訥格納擅募蘇伯水人為兵使烏色及伊
克往問狀訥格納邀去伊克等皆不欲追烏色督軍而
進至已固嶺西茂密水及之大破其衆訥格納死馬烏
色撫定蘇伯水部執訥格納之母及其妻子而歸穆宗
曰烏色年尚幼已能集事可嘉也康宗二年威泰治蘇
伯水諸部烏色斡魯佐之定諸部而還久之高麗殺行

人阿古雙寬而築九城於海蘭甸烏色將內外兵海古
勒和尼齊富察都古魯納佐之高麗兵數萬來拒烏色
分兵為十隊更出迭入遂大破之會烏色母疾篤召還
以軒魯代之未幾烏色復至再破高麗軍進圍其城高
麗請和盡歸前後亡命及所侵故地退九城之戍遂與
之和皇統五年追封衛國王子宗永

宗永本名塔塔天眷初以宗室子預誅宗磐擢寧遠大
將軍皇統初充牌印祗候五年出為趙州刺史累遷工

部尚書與蘇保衡完顏頗哩貢遷加伐宋士官賞凡與
土賊戰者宗永一槩加之世宗謂宰相曰若一槩追還
必生怨望若因循不問則爵賞濫矣其與土賊戰有一
人敵三十以上者依已遷為定改同簽大宗正事震武
軍節度使卒

烏哲天會十五年追封魯王正隆例改封公子實都美
驃騎衛上將軍孫璋本名呼密多勇畧通女真契丹漢
字年十八左副元帥薩里罕引在麾下以事如京師見

梁王宗弼與語宗弼悅之皇統六年父實多美卒宗弼
奏璋可襲穆昆詔從之天德三年充牌印祇候以罪免
寓居中都海陵伐宋富察薩勒扎掌留府事世宗即位
於遼陽璋勸薩勒扎歸世宗不從璋與守城軍官烏凌
阿實嘉努烏凌阿愿圖克坦三勝富察芬徹等以兵晨
入留守府殺薩勒扎及判官瑪延薩里罕推宗強子阿
蘇為留守璋行同知留守事遣實嘉努佩薩勒扎金牌
與愿芬徹中都轉運使左淵子貽慶大興少尹李天吉

子磐奉表如東京賀即位世宗嘉之以璋為同知中都
事璋以殺薩勒扎自攝同知留守心不自安遂與兵部
尚書克實謀因世宗謁山陵作亂大定二年璋等會於
克實家說萬戶高松不從璋知事不成乃與克實詣有
司自陳帝誅克實以璋為彰化軍節度使宋將吳璘出
散關據寶雞以西詔璋赴元帥都監圖克坦喀齊喀軍
前時宋人據原州寧州刺史延扎們都以兵四千攻之
不克宋將姚良輔以兵十萬至原州諸將不敢與戰璋

至會平涼涇州潘原長武等戍兵合二萬人錫喇布以兵二千軍於城北實訥埒以兵三千軍於城西北麥子原皆據高阜為陣璋以本部兵陣於城西姚良輔出自北嶺先遣萬人攻錫喇布自以軍九萬陣麥子原下分為八陣而別以騎二千襲璋軍璋遣兵二千援錫喇布二千益實訥埒錫喇布與宋人戰敗之宋兵在麥子原者最堅實訥埒以兵五千沿壕為伏餘兵皆步戰擊其前行騎士走之於是行馬以前衝以長槍行馬以後射

以勁弓良輔兵稍挫實訥埒乘勝麾兵破其七陣良輔復整兵出實訥埒少却而璋已破城下兵與實訥埒會使布格以伏兵擊良輔實訥埒亦整兵奮擊之大破良輔軍斬首萬餘級墜壕死者不可勝數良輔亦中兩創脫去遂圍原州穴其西城城圯宋人宵遁璋入原州宋成軍在寶鷄以西聞之皆自散闕遞去宋吳璘復據德順州璋與實訥埒將兵攻之璋率騎兵前行與璘戰於張義堡遂沙山下敗之追北四十餘里璋至德順璘據

城北險要為營璋亦策營與璘相望兩軍遇於城東凡
五戰璘軍敗走璋追至城下璘軍據城北岡阜與其城
上兵相應以弩夾射璋軍璋軍佯却城中出兵來追璋
反旆與戰大敗之璘遣兵據東山堡欲樹柵璋與實訥
埒聶赫議曰敵若據東山堡此城必不可拔宜急擊之
於是璋先據要地實訥埒以兵逼東山堡璘兵恃濠相
拒短兵接璘兵退走實訥埒追擊之璘城北營兵登北
岡來戰璋軍少却璘遂焚璋軍攻城其實訥埒望見北

原火發自東山堡來起引善射者先登擊敗之璘據險作三陣皆環以劔盾行馬璋遣舒穆魯廸里自後擊之伊喇補以二千人當其前以強弓射之璘兵大敗墮溝壑者甚衆璋軍度澗追之斬數千級而還璘軍雖敗猶恃其衆都監喀齊喀使副總管瓜爾佳扎拉來問策諸將皆曰吳璘恃險不善野戰我退軍平涼彼必棄險就平地然後可圖也璋曰不然彼恃其衆非恃恃險也我退軍平涼彼軍深入吾地固壘以拒我則如之何扎拉

還報喀齊喀率四萬人赴之詰旦陰霧晦冥璘分兵四道來襲戰於城東離而復合者數四漢軍千戶李展率麾下兵先登奮擊之璘軍陣動璋乘勝踵擊璘走險璋急擊之殺畧殆盡璘分半軍守泰州喀齊喀駐軍水洛城東自六盤山至石山頭分兵守之斷其餉道璘乃引歸璋兵至上八節宋兵據險為陣璋捨馬步戰地險不得接宋兵動璋乘之追至甘谷城實訥埒兵亦至宋兵宵遯璋遂班師帝使御史中丞德濟視諸軍功狀德濟

欽定四庫全書

劉月新選
卷一百九十五

舊與璋有隙故損其功詔璋將士賞比諸軍半之璋兼陝西路都統進官一階及元帥府上功璋居多因復賞璋及將士如諸軍以璋為西北路招討使召為元帥左都監兼安武軍節度使改益都尹左都監如故宋人棄海州遯去焚官民廬舍且盡璋至海州得所棄糧三萬六千餘石安集其人復其屯戍五年宋人約和罷三路都統復置陝西路統軍司璋為統軍使尋召為御史大夫璋奏文武百官有相為朋黨者今在臺自臣外無女

真人乞不限資考量材奏擬頃之改大興尹為賀宋王
旦使璋至臨安宋人請以太子接書不從宋人就館迫
取書璋與之且赴宴多受禮物有司以聞將寘之極刑
左丞相良弼奏曰璋為將大破宋軍宋人讐之久矣將
因此陷之死地今若殺璋或者墮其計中耳乃杖璋百
五十除名後以征伐功起為武定軍節度使授山東西
路博迪山納古爾河穆昆改臨洮尹十九年卒

棟摩世祖第十一子幹魯征高永昌棟摩等佐之克瀋

欽定四庫全書

欽定四庫全書

卷一百九十五

三

州城中出奔者棟摩邀擊殆盡與永昌隔鄆爾和水衆
遇渚不敢進棟摩以所部先濟諸軍畢濟軍東京城下
城中出戰棟摩破之於首山殲其衆拜咸州路副統太
祖伐遼詔咸州路都統司令色克留兵一千鎮守棟摩
以餘兵會於渾河太祖攻上京諭之不下棟摩以衆先
登克其外城留守托卜嘉率衆出降都統果兵至中京
棟摩自城西沿土河以進遂克之宗翰等攻西京棟摩
羅索等於城東為木洞以捍矢石於北隅以芻茭塞其

隍城中出兵萬餘將燒之溫特赫博恰率衆力戰擊却之又為四輪草車高出於堞棟摩與麾下乘車先登諸軍繼之遂克西京與遼步騎五千戰朔州境斬首三百級復敗遼騎三百於河陰遼兵五千屯馬邑縣南復擊破之盡得其車馬器械遼兵三萬列營於西京之西棟摩以三千兵擊之使士卒皆去馬陣於溝塹之間人皆殊死戰遼兵大敗追至其營而止明日復敗其兵七百餘人興中府宜州復叛棟摩討之貝勒蒙克薩布烏達

等獲契丹糾堅興中平棟摩為南路都統計和勒博耶律阿固齊等殺和勒博於景蕝之間其衆遂潰張覺通鑑作

張覺據平州叛入於宋棟摩自錦州往討之覺將以兵

脅遷東潤隰四州之民棟摩至潤州擊走張覺軍遂至榆關復敗之於營州東北欲乘勝進取南京時方暑雨退屯海孺逐水草休息使布呼孟克兩明安屯潤州制未降州縣不得與覺交通九月棟摩破覺將王考古於新安敗覺軍於樓峯口復與覺戰於兔耳山棟摩大敗

按續通鑑及紀事本末云棟摩以兵少不
交兵而退敵遂妄以大捷聞所載互異 太宗使宗望

問狀宗望遂以棟摩軍討覺及宗望破張覺太宗乃赦
棟摩召宗望赴闕棟摩連破偽都統張敢固克南京執
敢固殺之太宗遣使迎勞之又命屯兵鎮南京有司運
米五萬石於廣寧給南京潤州戍卒遂下宜州拔牙
山殺其節度使韓慶民得糧五千石詔以南路歲饑許
田獵其後宋童貫郭藥師治兵棟摩因降人知之即具
奏於是副宗望伐宋宗望以棟摩屬尊請以為都統而

自監戰事於是棟摩為都統素赫副之敗郭藥師兵於
白河遂降燕山以先鋒渡河圍汴宋人請盟將士分屯
於安肅雄霸廣信之境宗望還山西棟摩與劉彥宗留
燕京節制諸軍八月復伐宋大軍克汴州諸軍屯於城
上城中諸軍潰而西出者十三萬人棟摩達蘭分擊大
敗之師還棟摩為元帥左都監攻河間下之大破敵兵
萬餘於莫州又與宗弼分兵破山谷諸屯進克濰州及
議伐康王棟摩欲先定河北然後進討太宗乃酌取羣

議之中使羅索取陝西宗翰宗輔南伐天會六年薨熙
宗時追封吳國王天德二年配享太祖廟庭正隆改封
譚王
大定二年徙封魯王謚莊襄子宗叙

宗叙本名德壽天德二年充護衛授武義將軍明年授
世襲穆昆擢御院通進遷翰林待制兼修起居注轉國
子司業兼左補闕正隆初轉符寶郎在官職凡五年皆
帶劔押領宿衛遷太宗正丞改左驍騎都指揮使海陵
幸南京宗叙至汴契丹薩已反宗叙為咸平尹兼本路

兵馬都總管以甲仗四千付之許以便宜出松亭關聞
世宗即位乃還興中見世宗於梁魚務授寧昌軍節度
使明年二月契丹攻寧昌宗叙止有女真渤海騎兵三
十漢兵百二十人自將擊之遇賊千餘騎漢兵皆敗走
宗叙與三十騎盡銳力戰身被二創所乘馬中箭而仆
遂為所執居百餘日會賊中有臨潢民伊喇阿達等盜
馬授之得脫歸見元帥完顏默音平章政事完顏元宜
謂之曰賊衆烏合無紀律破之易爾於是帥府欲投軍

職宗叙見默音貪鹵掠失事機不肯受職乃遁去至廣
寧橋取驛馬馳至京師帥府先以聞世宗遣中使詰之
且令還軍併力破賊宗叙附奏曰臣非辭難者事須面
奏不得不來遂召入乃條奏賊中虛實及諸軍進退不
合事機狀詔大臣議皆以其言為然是時已詔布薩忠
義代默音為元帥進討於是拜宗叙為兵部尚書以本
職領左翼都統率宗寧烏雅扎拉烏凌阿喇實兵各千
人佐忠義軍至花道遇賊與戰右翼都統宗亨先敗走

忠義亦引却宗叙勒本部遮擊之麾帳下士三百捨馬步戰賊不得進大軍整列復至合勢擊之賊遂敗去復與赫舍哩志寧等追至七渡河又大敗之元帥忠義遂留宗叙自從賊平入為右宣徽使宋兵據海州將謀深入詔以宗叙為元帥右監軍駐山東分守要害敵不得西四年入朝奏曰暑月在近頓兵邊陲飛輓頗艱乞俟秋涼進發乃從其請九月渡淮宗叙出唐鄧北至襄陽屢戰皆捷明年宋人請和軍還除河南路統軍使河決

李固渡分流曹單之間詔請都水監梁肅視河決宗叙
言河道填淤不受水故有決溢之患今欲河復故道卒
難成功沿河數州驟興大役人心動搖恐宋人乘間構
為邊患梁肅亦請聽兩河分流以殺水勢遂止不塞十
年召至京師拜參知政事十一年奉詔巡邊六月至軍
中將戰有疾詔以右丞相赫舍哩志寧代宗叙還七月
病甚遺表言朝政得失及邊防利害使其子之上薨初
宗叙嘗請募貧民戍邊屯田給以廩粟使貧者無艱食

之患而富家免更代之勞世宗善其言而未行也往歲
參政宗叙嘗言此事可謂盡心於國者今詔以兩路招
討司烏庫哩實壘部族臨潢泰州等路分置堡戍詳定
以聞世宗追念宗叙聞其子孫家用不給詔賜錢三千
貫明昌五年配享世宗廟庭

鄚王昂本名烏達布世祖最幼子也常從太祖征伐天
輔六年昂與素赫以兵四千監護諸部降人處之嶺東
就以兵守臨潢府昂不能撫御降人苦之多叛亡者帝

聞之詔安班貝勒烏奇邁曰比遣昂徙諸部多致怨叛
素赫駐兵不與討襲致使降人復歸遼主違命失衆當
寘重法若有所疑則禁錮之俟師還定議時太宗居守希
卜蘇副之希卜蘇勸太宗因國慶可薄其罰於是杖昂
七十拘之泰州而殺素赫天會六年權元帥左都監十
五年為西京留守天眷三年為平章政事皇統元年封
漆水郡王二年制詔昂署銜帶皇叔祖字封鄆王是歲
薨

按熙宗紀皇統二年漆水郡王昂薨追子鄭嘉鶴壽
封鄆王此云封鄆王後乃薨所載互異

鶴壽在忠義傳

鄭嘉皇統初以宗室子授定遠大將軍除磁州刺史天德間為右諫議大夫累遷會寧尹安化軍節度使改益都尹海陵伐宋為浙東道副統制與工部尚書蘇保衡以舟師自海道趨臨安至松林島

續通鑑綱目及宋史俱作陳家島

人望見敵舟請為備鄭嘉問去此幾何舟人曰以水路測之且三百里風迅行即至矣鄭嘉不知海路舟楫不信有頃敵果至見我軍無備即以火砲擲之鄭嘉顧

見左右舟中皆火發度不能脫赴水死子承暉自有傳

衷本名綽哈中都司屬司人世祖曾孫祖巴噶布琳封

鄆王

按本傳載衷世祖曾孫祖巴噶布琳封鄆王是已噶布琳其封鄆王者為昂昂之名則烏達布也本傳恐有誤

父烏里官至特進大定

中收衷充閤門祗候授代州宣銳軍都指揮使歷寧海

蠡州刺史除順義軍節度使移鎮鎮西泰和六年致仕

衷孝悌負謹深悉本朝婚禮皇族婚嫁每令衷相之治

復有能稱其在寧海蠡州賦役無擾大安初追贈輔國

上將軍

慶善努名承立字獻甫統軍使古紳之子平章博索之從弟也貞祐初為武衛軍副都指揮使兼提點近侍局言呼沙呼專權僭竊後呼沙呼伏誅愈見寵幸以為殿前右副都點檢三年元兵圍中都詔以慶善努為宣差便宜都提控率所募兵往援俄為元帥右都監興定元年元兵及夏人迴經寧州慶善努以兵邀擊敗之進元帥左都監行帥府事於鄜州二年敗夏人於瑪奇峯三

年夏人據通秦寨遣提控納哈塔邁珠擊敗之夏人遁去四年破夏兵於宥州遂圍神堆府援兵大至復擊走之正大四年李全據楚州詔以慶善努為元帥同總帥額爾克將兵守盱眙已而全軍盱眙界二帥迎敵大敗死者萬餘委棄資仗甚衆時軍無見糧民疲奔命諸相不肯正言樞密判官白華拜章乞斬之以謝天下不報降為定國軍節度使八年正月鳳翔破兩行省徙京兆居民於河南令慶善努守之時止有病卒八百瘦馬二

百懼不能守屢上奏請還不許十月棄京兆還朝行至
閬鄉不聽入見未幾代圖克坦烏登行省事於徐州天

興元年

原文作正大九年按是年正月改元開興四月
改元天興哀宗紀以天興紀元今依紀改正

自徐引兵入拔選精銳一萬五千與徐帥完顏鄂倫統
之行次楊驛店遇薩納台軍遂潰鄂倫戰死慶善努被
擒誘之使招京城不從左右以刀斫其足亦不降即殺
之鄂倫丞相薩布之姪元光間例以諸帥為總領鄂倫
以丞相故獨不罷金朝防近族而用疎屬故博索鄂倫

輩皆心腹倚之

欽定續通志卷一百九十五

欽定四庫全書

欽定續通志卷一百九十六

宗室傳

金四

肅宗諸子

穆宗諸子

昌

勗
宗秀
齊

康宗諸子

宗雄

安塔塔
阿林

威赫

肅宗二子溫國公訥古庫崇國公富勒呼

穆宗五子長達蘭次烏頁次富察次富埒赫次薩古

按宗

室傳例有標題肅宗穆宗子

原史失載今據宗室表補

昌本名達蘭

按宗室表昌先而達蘭次之今考本傳稱
弟昌則是達蘭兄也故次之昌傳之前

宗翰襲遼主于鴛鴦濛遼都統瑪格奔使達蘭追擊之

獲遼樞密使德勒岱及其子摩格納顏以還太祖自將

襲遼主于大魚濛留輜重于草濛使達蘭雅穆守之奚

路兵官琿楚不能安撫其衆遂以達蘭為奚六路軍帥
鎮之以討噶珊蘇庫部奚人奚人據險戰殺且盡蘇
庫卓琳托紐十三巖皆平其後撫定奚部及分南路邊
界表請設官鎮守詔依東京渤海列置千戶穆昆遼外
咸約尼扎古雅部族在建州達蘭擊之擒其隊將克爾
叟博斯呼降民戶千餘進降金源縣又降約尼二部再
破興中兵降建州官屬扎古雅勢威亦降興中建州皆
平詔第將士功賞撫安新民達蘭請以約尼九營為九

明安帝以都林有功使領四明安札古雅仍為親管明
安五明安之都帥命達蘭擇人授之達蘭與劉彥宗舉
蕭公翊為興中尹郡府各以契丹漢官攝治皆從之及
宗翰宗望伐宋達蘭為六部路都統達蘭阿里庫破宋
兵二萬於杞覆其三營獲京東路都總管胡直孺及其
二子與南路都統制隋師元及其三將遂克拱州降寧
陵破睢陽下亳州宋兵來復睢陽又擊走之擒其將石
瑱大軍北還達蘭為元帥左監軍狗地山東取密州又

取鉅鹿劉豫以濟南府降詔以豫為安撫使治東平達
蘭以左監軍鎮撫之大事專決焉天會十五年為左副
元帥封魯國王初宋人既誅張邦昌太宗詔諸將復求
如邦昌者立之或舉折可求達蘭力舉劉豫豫立為帝
號大齊數年無尺寸功遂降豫為蜀王達蘭與右副元
帥宗弼俱在河南宋使王倫求河南陝西地于達蘭明
年達蘭朝京師倡議以廢齊舊地與宋熙宗命羣臣議
會東京留守宗雋來朝與達蘭合力宗幹等爭之不能

得達蘭弟勗亦以為不可既退達蘭責之勗曰苟利國家豈敢私邪是時太宗長子宗磐為宰相位在宗幹上達蘭宗雋附之竟執議以河南陝西地與宗久之宗磐跋扈尤甚宗雋亦為丞相達蘭持兵柄謀反有狀宗磐宗雋皆伏誅詔以達蘭屬尊有大功因釋不問出為行臺尚書左丞相手詔慰遣達蘭至燕京愈驕肆不法復與翼王呼蘭謀反熙宗乃下詔誅之達蘭自燕京南走追而殺之于祁州并殺翼王及宗人胡勒希圖達蘭二

子威泰烏達布而赦其黨與

按大金國志云達蘭庶子名昂字勉道後為平章令

考達蘭弟實名昂拜

平章政事志恐誤

昂本名烏頁好學問國人呼為秀才年十六從太祖攻
寧江州太宗嗣位召與謀政事宗翰宗望定汴州太宗
使昂往勞之宗翰等問其所欲曰惟好書耳載數車而
還女真初無文字及破遼獲契丹漢人始通契丹漢字
於是諸子皆學之天會六年詔求訪祖宗遺事以備國
史命昂與耶律迪延掌之昂等採摭遺言舊事自始祖

以下十帝綜為三卷詳畧咸得其實自太祖與高麗議和凡女真入高麗者皆索之至十餘年不已勗上書以諫從之十五年同中書門下平章事預平宗磐之難詔以皇叔祖字冠其銜勗力辭皇統元年撰定熙宗尊號冊文召勗飲於便殿祖宗實錄成進入帝焚香立受之詔職俸外別給二品親王俸廉進拜平章政事時帝日與近臣酣飲或繼以夜勗上疏諫乃為止酒進拜左丞相兼侍中監修如故八年奏上太祖實錄二十卷封魯

國王勗剛正寡言海陵方用事朝臣多附之一日大臣
會議海陵後至勗面責之海陵跪謝九年進拜太師進
封漢國王海陵篡立加恩大臣以收人望封秦漢國王
領三省監修如故及宗本無罪誅勗髡鬚頓白因上表
請老海陵不許優詔諭之有大事令宰臣就第商議入
朝不拜勗遂稱疾篤表請愈切海陵不憚從之以本官致
仕進封周宗國王正隆元年與宗室俱遷中都二年例
降封金源郡王堯子宗秀

宗秀字實甫本名錫里庫涉獵經史通契丹大小字善騎射與平宗磐宗雋之亂授定遠大將軍以宗磐世襲明安授之宗弼復取河南宗秀與海陵俱赴軍前宗將岳飛軍于亳宿之間宗秀率步騎三千扼其衝要擊敗之師還為太原尹天德初歷平陽尹昭義軍節度使封廣平郡王正隆二年卒于官

齊本名素赫穆宗曾孫父哈布爾寧州刺史大定中以內族充司屬司將軍授同知復州軍州事累遷刑部員

外郎諭曰本朝未嘗有內族為六部郎官者以卿歷職廉能故授之先是復州哈斯罕闕地方七百餘里因圍獵禁民樵捕齊言其地肥衍賦民開種則公私有益詔弛其禁章宗立改戶部員外郎出為磁州刺史治以寬簡未嘗留獄磁名郡刺史皆朝廷遴選郡人以前政有聲如劉徽柔程輝高德裕皆不及也明昌三年議置諸王傳乃以齊傳充王王將至任郡明安迎接齊峻却之王怪問故曰三國藩輔明安皆總戎職於王何利焉

却之以遠嫌也王府家奴為不法輒發還本明安終更無敢犯者明年授山東東西路副統軍兼同知益都府事有惠愛轉彰化軍節度使六年移利涉軍召見勞慰有加詔留守上京承安二年致仕卒齊明法識治體內族中與丞相承暉竝稱云

康宗三子設僖皇后生楚王摩囉歡次室溫都氏生昭武大將軍勝格徹次室布薩氏生威赫

宗雄本名摩囉歡康宗長子其始生也世祖見而異之

因解佩刀使常置其側曰俟其成人佩之九歲能射逸
兔年十一射中奔鹿既長善談辯多智畧孝敬謙謹人
愛敬之康宗沒遼使阿息保來乘馬至靈帷階下擇取
賄贈之馬太祖怒欲殺阿息保宗雄諫止之太祖攻寧
江州渤海兵銳甚宗雄以所部敗渤海兵授世襲千戶
穆昆太祖敗遼兵于珠赫店宗雄戰功為多達嚕噶城
之役宗雄將右軍身先士卒遼兵當右軍者已却復助
左軍繞遼兵後擊之遼兵大潰乘勝遂北日暮圍之黎

欽定四庫全書

卷一百九十六

明遼兵突圍出追至頁魯伯奇

按太祖紀載遼魯噶城之役逐北至阿魯岡此

云頁魯伯奇

所載互異

而還及遼帝以七十萬衆至圖們諸將皆曰

遼軍勢甚盛不宜速戰宗雄曰遼兵雖衆皆庸將不足

畏也帝曰善追及遼帝于呼岱巴岡宗雄率衆直前令

前行持槌擊遼兵馬首後行者射之大敗遼兵帝嘉其

功以御介冑及御戰馬賜之舍音攻春州宗雄與宗幹

羅索取金山縣行近白鷹林獲候者七人縱一人使歸

縣人聞大軍至迺潰遂下金山縣與舍音俱取泰州太

祖自將取臨潢府遣宗雄先啓行遇遼兵五千與戰大
軍亦至大破之既而與普嘉努按視泰州地土宗雄奏
其土可種植從之由是徙萬餘家屯田泰州西京既降
復叛時糧餉垂盡議欲罷攻宗雄曰西京都會也若委
而去之則降者離心遼之餘黨與夏人得以窺伺矣乃
立重賞以激士心及克西京與宗翰等擊耿守忠兵七
千于西京之東四十里大破之迎謁太祖于鴛鴦濼從
至歸化州疾篤天輔六年薨賻贈加等詔哈濟千戶駙

馬實嘉努護喪歸宗雄好學嗜書嘗從太祖獵誤中流矢恐太祖知之罪及射者託疾歸家臥兩月因學契丹大小字盡通之國初立法定制皆與宗幹建白行焉及與遼議和書詔契丹漢字亦與宗翰希尹主其事而材武踴捷挽強射遠幾二百步嘗走馬射三麋已中其二馬蹶躍而下復發滿步射獲之天眷中追封太師齊國公天德二年加秦漢國王正隆二年改太傅金源郡王大定二年追封楚王諡威敏配享太祖廟廷十五年詔

圖像于衍慶宮子富勒呼安塔哈阿林孫常春呼喇勒
呼喇呼魯徹珍帕克巴恩楚初宗幹納宗雄妻海陵銜
之及篡位殺宗雄妻與其子婦及常春兄弟徹珍之子
七人皆棄其骨於濠水大定十七年詔有司收葬初富
勒呼襲明安富勒呼卒子和勒端襲和勒端卒章宗命
宗雄孫富德襲之

安塔哈又名鄂勒歡性端重有父風天眷二年襲明安
除大宗正丞以明安讓兄子和勒端加武定軍節度使

奉朝請改侍衛親軍都指揮使封金源郡王進封譚王
遷同判大宗正事別授世襲明安海陵將遷中都諫曰
棄祖宗興王之地而他徙非義也海陵不悅留之上京
久之進封鄆王改封魏王除濟南尹不堪卑濕以病告
改西京留守正隆例奪王爵改廣寧尹世宗即位赦令
至廣寧弟雅爾勸弗受安塔哈受之及諸郡皆詣東
京安塔哈兄弟亦上謁有司請併誅之世宗曰正隆剪
刈宗室朕不可效尤於是釋安塔哈而誅雅爾復判大

宗正事遷太子太保封蘭陵郡王改勸農使海陵時自
上京徙河間土瘠詔安塔海族二十五家徙平州至是
詔給平州官田三百頃屋三百間宗州官田百頃進金
源郡王致仕十四年薨臨終戒諸子曰汝輩勿以生富
貴中而為暴戾宜自謙退海陵以猜忌剪滅宗室我以
純謹得免汝輩惟日為善勿墜吾家

阿林穎悟辯敏通女真契丹大小字及漢字年十八授
定遠大將軍歷泰寧定海鎮西安國等軍節度海陵南

伐以為神勇武平等軍都總管由壽州渡淮與勸農使

伊喇元宜合兵三萬為先鋒十月至廬州敗宗將王權

於渭子橋

海陵紀作
蔚子橋

至和州南復與權戰又敗之世宗

即位遼陽海陵死大軍北還將渡淮舟楫甚少軍士爭

舟不得亟渡阿林得生口知可涉處命本部涉濟以全

軍還入見遷兵部尚書監督經畫征斡罕諸軍糧餉斡

罕敗還至懿州以疾卒

威赫勇健有材畧從太祖伐遼取寧江州戰出河店天

眷二年授驃騎上將軍除弘詳袞累遷忠順興平軍節
度使天德二年入為大宗正丞四年出為昭德軍節度
使尋改德昌軍節度使封廣平郡王正隆二年例奪王
爵改哈斯罕節度使大定元年封宗國公為勸農使卒
于官

欽定續通志卷一百九十六

欽定四庫全書

欽定續通志卷一百九十七

宗室傳

金五

太祖諸子

景宣帝宗峻

元

宗傑

宗幹

元

袁

宗望

齊

文

宗雋

睿宗宗輔

宗弼

亨

宗強

阿林

克實

阿蘇

宗敏

太祖十六子聖穆皇后生景宣帝豐王烏里趙王宗傑
光懿皇后生遼王宗幹欽憲皇后生宋王宗望陳王宗
雋潘王額魯宣獻皇后生睿宗懿王鄂爾多元妃烏庫
哩氏生梁王宗弼衛王宗強蜀王宗敏崇妃蕭氏生紀
王實訥埒息王寧吉莒王雅遜娘子特訥克生鄴王幹
琿

景宣皇帝諱宗峻本諱勝額天輔五年都統杲取中京

帝別領軍札明安既克中京遂與景俱襲遼主于鴛鴦
濼遼主走陰山耿守忠救西京帝與宗翰等擊走之敵
據西京城南浮圖射士卒多傷帝曰先取是則西京可
下既而攻浮圖克之遂下西京太祖崩帝與兄宗幹率
宗室羣臣立太宗天會二年薨妃富察氏生熙宗熙宗即
位追上尊諡曰景宣皇帝廟號徽宗富察氏為惠昭皇
后改葬興陵海陵弒立降帝為豐王世宗尊帝為景宣皇
帝子熙宗常勝札拉

按景宣帝廢宗顯宗原史別立世
紀補其妃則列之后妃傳中今依

鄭例並改歸宗室而以
追尊諸后則附于後

胙王元本名常勝為北京留守弟札拉為安武軍節度使皇統七年四月戊午左副點檢富察阿固岱子尚主賜宴便殿熙宗被酒酌酒賜元元不能飲熙宗怒仗劍逼之元逃去命左丞宗憲召元宗憲與元俱去熙宗益怒時戶部尚書宗禮在側使之跪手殺之海陵與唐古辯謀廢立曰若舉大事誰當立者辯答曰其胙王常勝乎海陵復問其次辯曰鄧王子阿蘭由是海陵心忌常

勝并阿蘭時河南軍士孫進自稱皇弟按察大王熙宗
疑皇弟或在常勝也使塔斯鞠之無狀海陵知熙宗有
疑常勝心因此可以除之謂熙宗曰孫進反有端不稱
他人乃稱皇弟大王陛下弟止有常勝札拉塔斯鞠不
以實故出之矣熙宗以為然使唐古辨蕭肄問塔斯
塔斯誣服於是乃殺常勝及其弟札拉并殺塔斯海陵
乘此并擠阿蘭及其弟達蘭殺之熙宗以海陵為忠愈
益任之海陵篡立追封常勝札拉阿蘭官爵親臨葬所

致祭元子育本名和卓大定二十七年自南京副留守
遷大宗正丞兼勸農副使為人清廉幹治世宗嘗曰蒲
陽溫胙王元外若愚訥臨事明敏過人朕於兄弟間於
元尤款密云

宗傑本名穆里延天會五年薨謚孝悼天眷元年追封
越王以其長子夷為會寧牧封鄧王歷上京燕京西京
留守皇統三年薨子阿蘭達蘭海陵將謀弑立構而殺
之并殺宗傑妻大定間贈宗傑太師進封趙王

宗幹本名幹布太祖伐遼遼人來禦遇于境上使宗幹率衆先往填塹士卒畢渡渤海軍馳突而前左翼七穆昆少却遂犯中軍杲輒出戰太祖曰遇大敵不可易也使宗幹止杲宗幹馳出杲前控止導騎齊達之馬杲乃還達嚕噶城之戰宗幹以中軍為疑兵太祖既攻下黃龍府即欲取春州宗幹勸太祖休息士卒遂班師尋得降人言春泰州無守備可取於是舍音取春泰州宗雄宗幹等下金山縣宗雄即以兵三千屬宗幹招集未降

諸部太祖克臨潢府至沃赫河宗幹諫曰地遠時暑士
罷馬乏若深入敵境糧餉不繼恐有後艱帝從之遂班
師從都統杲取中京宗翰自北安州移書於杲請襲遼
主杲不能決宗幹請從其策再三言之杲乃報宗翰會
奚王嶺當太宗即位宗幹為古倫貝勒與舍音同輔政
天會三年獲遼主於應州西伊都谷始議禮制度正官
名定服色興庠序設選舉皆自宗幹啓之十年為古倫
左貝勒熙宗即位拜太傅與宗翰等並領三省事天眷

二年進太師封梁宋國王無何監修國史皇統元年賜
宗幹輦輿上殿制詔不名從幸燕京有疾還至野狐嶺
疾亟不行居數日薨輟朝七日大臣死輟朝自宗幹始
海陵篡立追諡憲古弘道文昭武烈章孝睿明皇帝廟
號德宗以故第為興聖宮大定二年除去廟號改諡明
肅皇帝及海陵廢為庶人削去明肅帝號從太祖諸王
有功例封為皇伯太師遼王諡忠烈妻子諸孫皆從降
明昌四年配享太祖廟庭子克亮袞袞亮是為海陵

庶人充本名實圖美熙宗初加光祿大夫天眷間為汴京留守皇統間封淄國公為吏部尚書進封代王拜右丞相薨追封鄭王大定二十二年追降儀同三司左丞相子塔納元努額布勒阿里布塔納為歸德軍節度使阿里布定遠大將軍和囉噶圖明安和琳河穆昆海陵弒圖克坦氏以充嘗為圖克坦養子因并殺塔納及阿里布元努額布勒逃歸世宗塔納贈榮祿大夫阿里布輔國上將軍詔有司改葬世宗時額布勒為鎮國上將

軍元努字惇禮後名永元幼聰敏日誦千言通左氏春秋皇統元年試宗室子作詩中格天德初授博諾山世襲穆昆世宗即位於遼陽與弟額布勒俱來歸帝慰勞甚厚授永元宗正丞改符寶郎為灤州刺史世襲明安乞以穆昆與額布勒詔許之轉棣州防禦使時張弘信通檢山東督責苛急永元面責弘信曰朝廷以差調不均立通檢法令使者所至殘酷農民故官子孫閉門自守使與商賈同處上役宜立法本意哉弘信無以對於

是棣州賦稅得以實自占遷震武軍節度使徙順義軍
朔州西境多盜而猾吏大姓蠹獄訟督亂賦役永元剔
其宿姦百姓安之坐賣馬與驛人取贏利解職頃之起
為保大軍節度使歷昭義絳陽震武軍遷濟南尹改興
中尹為彰德軍節度使卒於官永元歷典大藩多知民
間利害相棣順義政迹尤著其民並為立祠

充本名梧桐累官左宣徽使海陵篡立充使宋還拜司
徒兼都元帥領三省事進太尉及殺太祖妃蕭氏盡以

其財產賜充罷都元帥府樞密院充為樞密使太尉天德四年十二月薨進贈王爵大定二十二年追降特進子阿哈大定中為符寶祗候遷同知定武軍節度使裏本名永慶海陵母弟為輔國上將軍卒天德二年追封衛王再贈司徒大定二十二年追降銀青光祿大夫子和尚封應國公賜名樂善大定間家奴小僧月一妄言和尚寢熟有異徵裏妃松科以為信然召日者李端卜之端云當為天子司天張友直亦云當大貴家奴李

添壽上變松科和尚下吏驗問有狀皆伏誅

衮本名富勒堅亦作博洽桀驁强悍海陵忌之初為輔國上將軍天德初加特進封王為吏部尚書判大宗正事坐語禁中起居狀與翰林學士承旨宗秀護衛瑪竒實達爾王之章皆決杖有差未幾授明安及遷中都道中以衮為西京留守衮與西京兵馬完顏穆喇幹有舊同在西京遂相往來衮嘗遺以玉帶編修官元福努之妻與衮姻戚元福努嘗戒衮曰大王名太著宜少謙晦

衮心知海陵忌之召日者問休咎家奴哈里乃上變言
與穆喇幹等謀反嘗召日者問天命御史大夫高禎刑
部侍郎耶律賽音舒魯就西京鞠之無狀海陵怒使人
械衮等至中都不復究問斬之於市穆喇幹元福努并
日者皆凌遲處死

宗望本名幹里雅布太祖征伐常在左右都統杲巴克
中都宗望欲審遼主所在遂與宗弼率百騎進騎多罷
乏獨與馬和尚逐頁魯布呼伊勒希等馳擊敗之生擒

五人審遼主尚在鴛鴦瀼於是進兵追之遼主走陰山
杲使宗望請太祖臨軍宗望至京師太祖曰懸軍遠伐
授以成算豈能盡合機事朕以六月朔啓行既次大瀋
西南杲使希尹奏請徙西南招討司諸部於內地太祖
問徙諸部人當出何路宗望對曰中京殘敝芻糧不給
由上京為宜然新降之人遽爾騷動未降者必皆疑懼
乃下其議命軍帥度宜行之太祖聞遼主在大魚瀼自
將精兵萬人襲之普嘉努宗望率兵四千為前鋒晝夜

兼行追及遼主於石輦驛軍士至者才千人遼軍二萬
餘方治營壘伊都曰我軍未集人馬疲劇未可戰宗望
曰不急戰遼主且遯遂戰遼兵圍之數重遼主謂宗望
兵少必敗遂與嬪御皆自高阜下平地觀戰伊都示諸
將曰此遼主麾蓋也若萃而薄之可以得志騎兵馳赴
之遼主大驚遯去兵遂潰宗望騎兵千餘追之普嘉努
為後繼太祖已定燕京幹魯為都統宗望副之襲遼主
於陰山青塚之間將至青塚遇泥濘衆不能進以繩繫

遼都統林牙達實使為卿導直至遼主營時遼主往應
州其嬪御諸女驚駭欲奔命騎下執之遼太叔呼拉哈
妃國王聶哱次妃遼漢夫人并其子秦王許王女古裕
伊林幹里延大額頁次額頁趙王妃幹里延招討達魯
詳袞祿錦節度使伯特徹格爾皆降得車萬餘乘惟寧
王雅里及其長女乘軍亂亡去遼主自金城來知其族
屬皆見俘率兵五千餘決戰宗望擊敗之遼主遁去獲
其子趙王實訥埒及傳國璽追二十餘里盡得其從馬

獻傳國璽於行在太祖寘璽懷中東面恭謝天地錄功
行賞遼主乃使穆喇斡持兔鈕金印請降視其文乃元
帥燕國王之印也宗望復以書招之遂使使諭夏國宗
望趨天德遼耶律慎思降及候人烏舍回皆言夏國迎
護遼主渡大河矣宗望乃傳檄夏國令執送遼主及遼
秦王等以俘見太祖太祖嘉宗望功以遼蜀國公主伊
林賜之張覺叛太祖使宗望以棟摩軍討之降瀕海郡
縣遂與覺戰於南京城東覺敗宵遁奔宋城中人執覺

父及其二子來獻宗望殺之張惇固等出降使使與敦
固入城城中人殺使者立敦固為都統乘城拒守初張
覺奔宋入於燕京宗望責宋納叛人且徵軍糧請空名
宣頭千道增信牌安撫新降之民詔以新附長吏職員仍
舊已命諸路轉輸軍糧勿督於宋給空名宣頭五十道
逮潤來隰四州人徙於濡州者俟畢農各復其業張敦
固以兵八千分四隊出戰大敗宗望再三開諭敦固乃
開其一門宗望使棟摩奏其事乃詔赦南京官民官職

如舊別敕有司輕徭賦勸稼穡疆場之事一決於宗望
又詔選勲賢及有民望者為南京留守及諸關員仍具
姓名官階以聞召宗望赴闕宋兵三千自海道來破九
寨殺馬城縣戍將節度使圖爾噶取其銀牌兵仗及馬
而去宗望索戶口宋人弗遣且聞童貫郭藥師治軍燕
山宗望等奏請伐宋乃以棟摩為都統宗望監棟摩劉
彥宗兩軍戰事至三河破郭藥師兵四萬五千於白河
藥師降遂取燕山府盡收其軍實州縣悉平破宋真定

兵五千人遂克信德府次邯鄲宋李鄴請修舊好宗望
留軍中不遣自郭藥師降益知宋之虛實宗望請以為
燕京留守及董才降益知宋之地理宗望請任以軍事
太宗俱賜姓完顏氏給以金牌天會四年正月己巳諸
軍渡河取滑州使吳孝民入汴以詔書問納平州張覺
事令執送童貫譚稹詹度以黃河為界納質奉貢癸酉
諸軍圍汴宋少帝請為伯姪國効質納地增歲幣請和
遂割太原中山河間三鎮沈晦以誓書地圖至軍中書

用伯侄禮以康王構太宰張邦昌為質二月丁酉朔與

宋平退軍孟陽是夜姚平仲兵四十萬

按續通鑑云姚平仲率步騎萬

人夜斫敵營本傳云四十萬其史家張大之詞頗

來襲候騎覺之分遣諸將迎

擊大破平仲軍復進攻汴城問舉兵之狀少帝大恐使

宇文虛中來辨曰初不知其事且將加罪其人宗望輟

弗攻改肅王樞為質康王構遣歸師還河北兩鎮不下

遂分兵討之宗望罷常勝軍給還燕人田業命將士分

屯安肅雄霸廣信之境宗望還山西未幾為右副元帥

有功將士遷賞有差頃之宋少帝付書誘伊都蕭仲恭獻其書詔復伐宋八月宗望會諸將發自保州耶律鐸破敵兵三萬於雄州殺萬餘人納顏敗宋軍七千於中

山高六董才破宋兵三千於廣信宋种師閔軍四萬人

駐井陘宗望大破之取天威軍還克真定知府

北盟會編作安

撫使靖康小李邈得戶三萬降五縣遂自真定趨汴十

雅作觀察使

一月戊辰宗望至河上降魏縣諸軍渡河留諸將分出大名之境降臨河縣至大名縣德清軍開德府皆克之

阿里庫以騎兵三千先趨汴破宋軍六千於路取胙城
抵汴城下覆宋兵千人擒數將宗望至汴分遣瑯都納
顏薩喇達實連破宋援兵閏月壬辰朔宋兵一萬出城
來戰宗望選勁勇五千使當堪呼嚕楚古爾蘇擊敗之
五年四月以宋二主北還宗望分諸將鎮守河北乃西
上涼陘是月薨十三年封魏王皇統三年進許國王又
改封晉國王天德二年贈太師加遼燕國王配享太宗
廟庭正隆二年例降封大定三年改封宋王謚桓肅

大金

國志作忠武

子齊文京

原文作齊京文宗室表及二傳叙次皆京先而文後今考文傳云弟京得

罪京傳云兄德州防禦使文則是文兄而京弟也因並加改正

初遼節度使和尚與林

牙瑪格男慎思俱被擒和尚弟道溫為興中尹太祖使

滿都布以兵千人與和尚往招之和尚欲亡去不克至

興中城下以矢繫書射城中教道溫毋降事泄滿都布

責其反覆對曰以忠報國雖死不恨乃殺之既而宗望

軍遇遼都統伯特等道溫在其中相與隔水而語宗望

承制招之伯特無降意宗望謂道溫曰汝兄和尚因戰

而獲未嘗加罪後以叛誅能無痛悼道溫曰吾兄辱於見獲榮於死國宗望顧馬和尚曰能為我取此乎對曰能遂以所部渡水擊敗其衆直趨道溫射中其臂獲而殺之

齊本名舒蘇天眷三年授鎮國上將軍世宗初遷特進加安武軍節度使齊以近屬被寵遇而性庸滯無材能大定三年罷節度給隨朝三品俸卒弟文弟京皆以謀反誅世宗盡以其家財產與齊之子耀珠詔齊妻曰汝

等皆當緣坐朕念宋王故置而不問十五年命英王奭
於諸公主女子中為耀珠擇婚其禮幣命有司給之俄
襲叔父京山東西路特默齊明安

文本名呼喇皇統間授世襲穆昆加奉國上將軍居中
京時市中有穢術強謙者文與左淵皆與之游海陵還

中京召強謙詰問

原文作文召強謙
詰問誤今刪正

窮竟本末殺之於

市責讓文淵貞元初除秘書坐淫亂杖二百除名俄復
為秘書監封王正隆例封鄖國公大定初遷武定軍節

度使留京師奉朝請三年除廣寧尹召為判大宗正事
封英王是時弟京得罪世宗謂文曰朕待京不薄乃圖
不軌朕念骨肉遂從輕典卿亦驕縱無度自今懲咎悔
過赤心事朕無患朕不知也除真定尹賜以衣帶改大
名尹徙封荆王文至大名多取明安穆昆良馬或以駕
馬易之買民物不盡與直尋常占役弓手四十餘人詭
納稅草十六萬束公用闕取民錢一萬九千餘貫坐是
奪爵降德州防禦使僚佐皆坐不矯正解職監察御史

董師中失糾察已除尚書省都事降沁南軍節度副使
文既失職居常怏怏日為怨言和卓揣知其意因言南
京路明安阿古和卓穆昆伯哩尼楚赫與大王厚善果
欲舉大事彼皆願從文信其言乃召日者康洪占休咎
密以謀告洪洪言來歲甚吉文厚謝洪使家僮網格等
往南京以書幣遺阿古等網格到南京見阿古等不言
其事及還紹文曰阿古從大王矣文乃造兵仗使家奴
幹爾達畫陣圖家奴重喜詣河北東路上變府遣總管

判官伯特捕文伯特至德州日已晚召防禦判官綽鄂
謀綽鄂言明日文生日可就會上執之是夜文知本府
使至意其事覺乃與和卓呼爾察等俱亡去世宗聞文
不獲註誤者多督所在捕之詔募獲文者遷官五階賜
錢三千貫被獲伏誅康洪論死餘皆坐如律詔釋其妻
珠爾蘇瑪詔曰德州防禦使文北京曹貴郡州李方皆
因術士妄談祿命陷於大戮自今宗室宗女有屬籍及
官職三品者除占問嫁娶修造葬事不得推筭相命違

者徒二年

京本名呼嚕累遷特進天德二年除翰林學士承旨兼
修國史加開府儀同三司遷工部尚書改禮部兵部判
大宗正事封曹王除河間尹正隆二年例封瀋國公北
京留守六年坐違制與圖克坦貞飲酒降灤州刺史未
幾改絳陽軍節度使海陵遣使護衛呼嚕往殺之京間
道走汾州得免世宗即位來見於桃花塢復判大宗正
事封壽王世宗懲創海陵跡忌宗室加禮京兄弟情若

同生時代宋未罷兵用度不足百官未給全俸京家數
百口財用少賜金一百五十兩改西京留守京妻公壽
嘗召日者孫邦榮推京祿命邦榮言留守官至太師爵
封王京問此上更無否邦榮察其意乃詐為圖識以獻
於京京曰後誠如此乎再使卜之邦榮稱所得卦有獨
權之兆京復使邦榮推世宗當生年月家人孫小哥妄
作謠言誑惑京如邦榮指京信之大定五年三月邦榮
上變詔刑部侍郎高德基戶部員外郎完顏烏肯徹往

鞠之京等皆款伏獄成還奏詔京夫婦特免死杖一百除名嵐州樓煩縣安置以奴婢百口自隨官給上田遣烏肯徹劉琬宣諭京曰朕與汝皆大祖孫海陵失道翦滅宗支朕念兄弟無幾於汝尤為親愛何為而懷此心朕念骨肉不忍盡法汝若尚不思過天地豈能容汝也十年四月詔於樓煩縣為京作第一區月給節度廩俸十二年其兄德州防禦使文謀反京當緣坐宰臣或言京圖逆今不除之恐為後患世宗曰天下大器歸於有

德海陵失道朕乃得之但務修德餘何足慮乃遣使宣諭京免其緣坐久之世宗以太祖諸孫存者無幾欲召京置左右不使任職但廩給之以問宰臣皆以為非宜宗雋本名額爾袞天會十四年為東京留守天眷元年入朝與左副元帥達蘭建議以河南陝西地與宋俄為尚書左丞相加開府儀同三司兼侍中封陳王二年拜太傅

熙宗紀
作太保

領三省事進封克國王既而以謀反誅

睿宗皇帝諱宗堯初諱宗輔本諱鄂爾多大定上尊諡

追上今諱太祖征伐四方諸子皆總戎旅帝常在帷幄
天輔六年太祖親征太宗居守黃龍府安福格叛帝與
烏古鼎討平之南路軍帥和碩台以賊敗帝往閱實之
咸稱平允天會五年宗望薨帝為右副元帥駐兵燕京
十一月諸將伐宋帝發自河間徇地淄青宋馬括兵二
十萬至樂安帝率師擊破之聞宋主在揚州時東作方
興留大軍夾河屯田而還軍山西六年詔伐宋帝發自
河北降滑州取開德府

本紀作
宗弼事

攻大名府克之河北平

八年羅索所下陝西城邑輒叛宗翰等曰前討宋故分
西師合於東軍而陝西五路兵力雄勁當併力攻取和
塔拉撫定江北宗弼以精兵二萬先往洛陽以八月往
陝西或使宗弼遂將以行或宗輔宗翰宗尹中以一人
往由是詔帝往焉是時宋張浚兵取陝西帝至洛水治
兵張浚騎兵六萬步卒十二萬壁富平帝率諸將破之
耀州鳳翔府皆來降遂下涇渭二州敗宋經畧使劉倪
軍於瓦亭原州降薩里喝破德順軍靜邊塞宋涇原路

統制張中孚知鎮戎軍李彥奇以城降帝進兵降甘泉等三堡取保川城破宋熙河路副總管軍三萬獲馬千餘拔安西等二寨熙州降分遣左翼都統阿里布右翼都統宗弼招撫城邑之未下者遂得鞏洮河樂西寧蘭廓積石等州定遠和政甘峪寧洮安隴等城寨及鎮堡蕃漢營部四十餘於是湟原熙河兩路皆平既定陝西五路乃選騎兵六千使薩里罕列屯衝要於是班師與宗翰俱朝京師立熙宗為安班貝勒帝為左副元帥十

三年行次媯州薨陪葬睿陵追封潞王諡襄穆皇統六年
進冀國王正隆二年追贈太師上柱國改封許王妃富
察氏李氏李氏生世宗睿宗薨世宗尚幼妃教之以義
方宗室中甚敬之已乃祝髮為比丘尼號通慧圓明大
師正隆六年薨世宗即位追上尊諡立德顯仁啓聖廣
運文武簡肅皇帝廟號睿宗富察氏為欽慈皇后李氏
為貞懿皇后二年改葬於大房山號景陵

宗弼本名幹斡又作烏珠都統果出青嶺與兄宗望及

馬和尚逐伊埒巴噶伊勒希等敗之宗弼矢盡遂奪遼
兵士槍獨殺八人生獲五人及宗望伐宋宗弼從軍取
湯陰縣以三千騎薄汴城宋上皇出奔選百騎追之弗
及宗望薨宗輔為右副元帥徇地淄青宗弼敗宋鄭宗
孟數萬衆遂克青州復破賊將趙成及黃瓊軍取臨朐
宗輔軍還遇敵三萬於河上宗弼擊敗之詔伐宋康王
宗輔發河北宗弼攻開德府糧乏轉攻濮州克之降旁
近五縣攻開德府及大名宗弼軍皆先登破其城河北

平宋主自揚州奔江南宗弼等分道伐之進兵歸德絕
隍禁道列礮隍上將攻之城中人懼遂降先遣阿里富
埒瑄至壽春宗弼軍繼之宋安撫使馬世元率官屬出
降進下廬州再降巢縣王善軍遂自和州渡江至江寧
宋杜充率步騎六萬來戰呼拉布當堪達呼大臭合擊
破之宋陳邦光以江寧府降留長安努烏哩頁守江寧
使阿里布烏哩頁別將兵徇地下太平州濠州及句容
溧陽等縣沂江而西屢敗張永等兵杜充遂降宗弼自

江寧取廣德軍路追襲宋主於越州又取湖州及杭州
宋主自越奔明宗弼留杭州使阿里富埒瑄以精兵四
千襲之宋主走入於海宗弼分兵會攻明州克之阿里
富埒瑄追宋主不及乃還宗弼自杭州取秀州出平江
趨鎮江宋韓世忠以舟師扼江口宗弼戰不利遂自鎮
江泝流西上世忠襲之宗弼循南岸世忠循北岸且戰
且行世忠艤大艦數倍宗弼軍出宗弼軍前後數里
擊柝之聲自夜達旦世忠以輕舟挑戰一日數接將至

黃天蕩宗弼因老鵲河故道開三十里通秦淮一日夜
而成乃得至江寧達蘭使伊喇古自天長趨江寧援宗
弼烏凌阿托雲亦以兵來會連敗宋兵宗弼發江寧將
渡江而北與世忠戰於江口世忠分舟師絕江流上下
舟皆張五繡宗弼選善射者乘輕舟以火箭射之五繡
皆自焚煙焰滿江世忠不能軍追北七十里舟軍殲焉
世忠僅以身免宗弼渡江北還從宗輔定陝西與張浚
戰於富平宗弼陷重圍中韓常流矢中目拔矢以土塞

剗躍馬奮呼搏戰與宗弼突圍出既敗張浚軍遂與阿
里布招降熙河湟原兩路及攻吳玠於和尚原抵險不
可進乃退軍伏兵起且戰且走行三十里將至平地宋
軍陣於江口宗弼大敗將士多戰沒明年復攻和尚原
克之天會十五年為右副元帥封瀋王天眷元年遼蘭
宗磐執議以河南地與宋明年宗弼入朝拜都元帥奏
遼蘭與宋人交通賂遺請誅遼蘭時宗磐已誅遼蘭在
行臺復與呼蘭謀反會置行臺於燕京詔宗弼為太保

領行臺尚書省往燕京誅之遂議南伐命宗弼由黎陽趨汴右監軍薩里罕出河中趨陝西宋岳飛韓世忠分據河南州郡要害復出兵涉河東駐嵐石保德之境以相牽制宗弼遣孔彥舟下汴鄭兩州王伯龍取陳州李成取洛陽自率衆取亳州及順昌府嵩汝等州時暑還軍於汴岳飛等軍皆退去河南平時天眷三年也

按續通鑑

宗弼順昌之敗鄭城之敗并在熙宗使勞問宗弼凡有是年本傳諱言其敗故畧言之

功軍士並加忠勇校尉攻嵐石保德皆克之時熙宗幸

燕京宗弼見於行在所居再旬宗弼還軍熙宗酌酒飲之進伐淮南克廬州復朝於燕京命與宰相同入奏事俄為尚書左丞相兼侍中太保都元帥領行臺如故詔以燕京路隸尚書省西京及山後諸部族隸元帥府乃還軍遂伐江南既渡淮以書責讓宋人宋人答書乞先歛兵宗弼以便宜約以畫淮水為界皇統二年

按熙宗紀進誓

表及冊封宋帝俱係皇統二年本傳蒙上文天眷稱三年今改正

二月宋主遣端明殿

學士何鑄等進誓表宗弼進拜太傅迺遣左宣徽使劉

苦使宋以袞冕圭寶佩璲玉冊冊康王為宋帝仍詔天

下宗弼乞致仕不許優詔答之賜以金券七年

接熙宗紀皇統

七年九月以宗弼為太師此處誤作三年茲據改

為太師領三省事都元帥領

行臺尚書省事如故八年薨大定十五年謚忠烈十八

年配享太宗廟庭子伯特

亨本名伯特熙宗時封芮王為明安加銀青光祿大夫

天德初加特進海陵賜良弓亨性直材勇絕人喜自負

解曰所賜弓弱不可用海陵遂忌之出為真定尹歷中

京東京留守家奴梁遵告亨與衛士符公弼謀反考驗
無狀遵坐誅海陵益疑之改廣寧尹使李老僧伺察亨
動靜且令搆其罪狀亨家奴祿錦願黥給使總諸奴老
僧謂之曰爾渤海大族坐累為奴寧不念為良乎祿錦
識其意祿錦嘗與亨侍宴私通亨知之祿錦懼密與老
僧謀遂誣亨欲因間刺海陵老僧即捕繫亨以聞工部
尚書耶律安禮大理正圖哩等鞠之復無驗海陵怒復
遣老僧同鞠之皆不伏老僧夜至亨囚所使人蹴殺之

亨擊鞠為天下第一常獨當數人馬無良惡皆如意馬方馳輒投杖馬前側身附地取杖而去終以勇力見忌馮正隆六年海陵遣使殺諸宗室於是殺亨妃圖克坦氏次妃大氏及子音德等三人大定初追復亨官爵封韓王十七年詔有司改葬亨及妻子

宗強本名阿魯天眷元年封紀王三年代宗固為燕京留守封衛王皇統二年十月薨子阿林克實阿蘇

爽本名阿林天德三年授世襲明安正隆二年除橫海

軍節度使安武軍留守司奉朝請海陵將伐宋嚴酒禁
爽坐會飲被杖謫歸化州刺史奪明安未幾復除安武
軍節度使海陵渡淮分遣使者剪滅宗室爽憂懼不知
所出會世宗即位東京宗室瑋推爽弟阿蘇行中都留
守遣人報爽爽棄妻子來奔與弟克實俱至中都東迎
車駕至梁魚務入見世宗大悅即除殿前馬步軍都指
揮使封溫王改秘書監遷太子太保進封壽王頃之判
大宗正事太子太保如故爽有疾詔除其子符寶祗候

色埒為忠順軍節度副使疾少間從駕如涼陞進封英
王轉太子太傅復世襲明安進封榮王改太子太師二
十三年薨詔陪葬山陵

克實累官唐古部族節度使降忻州刺史海陵遣使殺
之克實聞世宗即位即棄州來歸時弟阿蘇權中都留
守事克實欲留以助之乃留中都聞世宗發東京迎見
於瑪竇鋪除兵部尚書將兵往東京行至中都聞南京
已定遂止克實材武過人狠戾好亂自以太祖孫頗有

異志世宗初至中都倥傯多事扈從諸軍未暇行賞或有怨言昭武大將軍鄂倫監古雲軍於歸化次彰德會通吉和尚持大定赦文至使人招之鄂倫不聽率兵來迎和尚亦以所將佛寧兵列陣待之鄂倫兵皆不肯戰遂請降和尚邀入相州收其甲兵置酒相勞鄂倫托疾不飲與其心腹謀執和尚和尚覺使其從者迫而伺之鄂倫不得發世宗至中都近郊鄂倫上謁世宗撫慰之河南統軍司令史鄂爾多為人狡險鄂倫取兵於河南

統軍使圖們額哩頁鄂爾多與俱來皆不自安同知延安尹李惟忠與弒熙宗構殺韓王亨世宗疎斥之同知中都留守璋初自領其職因而授之完顏布呼為副統以罪解職居京師於是克實鄂倫李惟忠鄂爾多璋布呼謀欲因扈從軍士怨望作亂惟忠嘗為神翼軍總管有兩銀牌尚在欲以矯發內藏賞士鄂倫往約押軍明安阿古喇阿古喇從之惟忠往說萬戶高松高松不聽大定二年正月甲戌世宗謁山陵克實中道稱疾而歸

乙亥夜召鄂倫惟忠鄂爾多璋布呼會其家阿古喇以
兵赴之璋曰今不得高松軍事不可成矣克實璋布呼
乃擒鄂倫惟忠鄂爾多阿古喇詣有司自首既下詔獄
克實不肯自言其始謀及與鄂倫面質然後款伏世宗
念兄弟少太祖孫惟數人在惻然傷之詔罪止克實一
身其兄弟子孫皆不緣坐遂誅鄂倫惟忠鄂爾多阿古
喇等除璋彰化軍節度使布呼濬州防禦使

阿蘇天德二年授奉國上將軍累加金吾衛上將軍居

中都世宗即位東京阿蘇與璋率守城軍官烏凌阿實
嘉努等殺留守薩勒扎府判穆延薩里罕衆以阿蘇行
留守事璋自署同知留守事即遣穆昆實嘉努烏凌阿
愿富察芬徹大興少尹磐等奉表東京大定二年授橫
海軍節度使改武定庫遷廣寧尹坐賊解職入見於常
武殿諭曰朕謂汝有才力使之臨民今汝在法當死朕
以親親之故曲為全貸當思自今戒懼勿復使惡聲達
於朕聽改平涼濟南尹卒於官

宗敏本名阿里布天眷元年封邢王皇統三年為東京留守拜左副元帥兼會寧牧進都元帥兼判大宗正事加太保領三省事兼左副元帥領行臺尚書省事封曹國王海陵謀弑立畏宗敏屬尊且材勇欲構誣除之及弑熙宗使葛王召宗敏葛王者世宗初封也宗敏聞召疑懼不敢往葛王曰叔父今不即往至明日如何與之相見宗敏入宮海陵猶豫以問左右烏達曰彼太祖子也不殺之衆人必有異議不如除之乃使布薩呼圖殺

之呼圖刀擊宗敏宗敏左右走避膚髮血肉狼籍遍地
天德三年海陵追封宗敏為太師追封爵妃富察氏進
國號封子薩哈連舒國公賜名褒進封王阿里罕封密
國公正隆六年見殺大定間詔復官爵

欽定續通志卷一百九十七